

〔箋注倭名類聚抄水一〕按美岐波。水際之義。故以訓水際平沙之汀充之。後多與奈岐佐混言。廣本作三左木誤。按類聚名義抄。伊呂波字類抄。並訓三幾八。不訓三左木。中略。廣韻同。按玉篇。汀水際平沙也。孫氏蓋依之。說文汀平也。

〔倭訓栞前編三十〕みぎは 汀をよめり。水際の義也。唐韻によれる也。新撰字鏡に瀆を水ぎはとよめり。

〔拾遺和歌集八〕延喜御時屏風に

雨ふるとふく松かせはきこゆれど池のみぎは、まさらざりけり

つらゆき

〔土佐日記〕この童さすがに恥ていはす、しゐてといへば、いへる歌。

ゆく人もとまるも袖の涙川汀のみこそぬれまさりけれ、となんよめる。

〔源氏物語角七〕風のいとはげしければ、しとみおろさせ給に、四方の山のかゝみとみゆる汀の水、月かげいとおもしろし。

〔倭名類聚抄河海〕溝 釋名云、田間之水曰溝。古候反、縱横相交稱也。和名三曾

渠 同上

〔箋注倭名類聚抄水一〕神代紀溝字、齊明紀渠字同訓。欽明紀洫字、新撰字鏡坑字、亦訓三曾。按說文溝水瀆也。渠水所居也。二字義不全同。然呂氏春秋上農篇注渠溝也。故云又用渠字也。

〔倭訓栞前編三十〕みぞ 溝渠をよめり。水裾の義成べし。新撰字鏡に坑もよめり。

〔八雲御抄三上〕溝 まけみぞかたといふは、まうけたるみぞのかたなり。池などの水出道也。さくたのうなで也。田溝 うなでとは溝名也。

〔倭訓栞前編四〕うなて 日本紀に溝をよめり。八雲御抄にも、うなてはみぞといふと宣へり。臥手の義なるべし。繩手の類也。